

**BOSNA I HERCEGOVINA
FEDERACIJA BOSNE I HERCEGOVINE
ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

**Broj: 06-45-3329-6/24 (H.A.)
Zenica, 28.03.2024.godine**

Na osnovu člana 70. Zakona o javnim nabavkama ("Službeni glasnik BiH", broj: 39/14 i 59/22), Otvorenog postupka javne nabavke kompjuterske opreme broj: 06-45-3329-3/24 od 29.02.2024.godine, objavljenom na portalu javnih nabavki, Obavještenje o nabavci broj: 108-1-1-11-3-20/24 od 29.02.2024.godine, Zapisnika o pregledu i ocjeni ponuda broj: 06-45-3329-5/24 od 27.03.2024.godine, direktor Zavoda zdravstvenog osiguranja Zeničko-dobojskog kantona, donosi

**ODLUKU
o izboru najpovoljnijeg ponuđača za LOT 1 – Kompjuterska oprema i licence**

Član 1.

Po provedenom otvorenom postupku za nabavku kompjuterske opreme broj: 06-45-3329-3/24 od 29.02.2024.godine, Ugovor za LOT 1 – Kompjuterska oprema i licence, dodjeljuje se ponuđaču medIT d.o.o. Sarajevo, Soukbunar br.5, Sarajevo, po cijeni od 100.182,23 KM (bez PDV-a).

Član 2.

Ova Odluka se u skladu sa članom 71. Zakona o javnim nabavkama ("Službeni glasnik BiH", broj: 39/14 i 59/22), dostavlja ponuđačima koji su učestvovali u postupku javne nabavke.

Član 3.

Ova Odluka objavit će se na web-stranici Zavoda, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama ("Službeni glasnik BiH", broj: 39/14 i 59/22).

Član 4.

Ova Odluka stupa na snagu danom donošenja

O b r a z l o ž e n j e

Dana 22.02.2024.godine donesena je Odluka o pokretanju postupka javne nabavke putem otvorenog postupka za nabavku kompjuterske opreme (LOT 1- Kompjuterska oprema i licence, LOT 2- Kompjuterska serverska oprema) broj: 06-45-3329-1/24. Procijenjena vrijednost navedena u Obavještenju o nabavci broj: 108-1-1-11-3-20/24 za LOT 1 - Kompjuterska oprema i licence je 100.430,00 KM (bez PDV-a).

U skladu sa članom 36. stav (1) Zakona o javnim nabavkama ("Službeni glasnik BiH", broj: 39/14 i 59/22) Agenciji za javne nabavke Bosne i Hercegovine je dostavljeno Obavještenje o nabavci broj 108-1-1-11-3-20/24 od 29.02.2024.godine. Tenderska dokumentacija za nabavku kompjuterske opreme je objavljena u sistemu "E-nabavke" u skladu sa članom 53. stav (2) Zakona o javnim nabavkama.

Kriterij za dodjelu ugovora naveden u tenderskoj dokumentaciji/otvoreni postupak javne nabavke broj: 06-45-3329-3/24 od 29.02.2024.godine je "najniža cijena ponude".

Krajnji rok za prijem ponuda bio je: 20.03.2024.godine do 11:00 sati.

Dana 20.03.2024.godine, Komisija za javne nabavke imenovana Rješenjem broj: 06-45-3329-2/24 od 28.02.2024.godine održala je sjednicu o pregledu i ocjeni ponuda za nabavku kompjuterske opreme.

Na sjednici Komisije je konstatovano da su za LOT 1- Kompjuterska oprema i licence, ponude dostavili ponuđači: ProComp d.o.o. Zenica, po cijeni od 99.258,00 KM i medIT d.o.o. Sarajevo, po cijeni od 100.182,23 KM.

Na osnovu traženih uslova za učešće i potrebnih dokaza koji su traženi u otvorenom postupku javne nabavke, izvršena je analiza/ocjena ponuda i konstatovano da je ponuda ponuđača medIT d.o.o. Sarajevo za LOT 1 – Kompjuterska oprema i licence, prihvatljiva.

Ponuda ponuđača ProComp d.o.o. Zenica za LOT 1 – Kompjuterska oprema i licence se odbacuje kao nepravilna.

Uvidom u ponudu za LOT 1 – Kompjuterska oprema i licence, ponuđača ProComp d.o.o. Zenica, Komisija je utvrdila da tehnički dio ponude nije u skladu sa tenderskom dokumentacijom, odnosno da nije potpun.

Tačkom 6.1 Tenderske dokumentacije je propisano da je ponuđač obavezan ponuditi i isporučiti ponuđenu robu na način da ista odgovara svim tehničkim uslovima i specifikaciji koji su navedeni u tenderskoj dokumentaciji.

Za ponuđenu opremu ponuđač je bio obavezan priložiti specifikaciju opreme (Aneks 2) te na osnovu nje popuniti „Oznaka i naziv modela uređaja koji se nudi“ i stupac „Zadovoljava (DA/NE) i dokaz o podržanosti - stranica iz tehničke dokumentacije“ u tabeli.

Naime, ponuđač za ponuđenu robu: stereo zvučnici za računar TIP 1, web kamera za računar TIP 1 i stereo slušalice za računar TIP 1 nije dostavio dokaz o podržanosti - stranica iz tehničke dokumentacije, kako je propisano tačkom 6.1 Tenderske dokumentacije.

Tačkom 13. Tenderske dokumentacije je propisano sljedeće:

Ponuda se dostavlja na jednom od službenih jezika u Bosni i Hercegovini, na latiničnom ili ćirilničnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

Izuzetno dio popratne dokumentacije (katalozi, brošure, i sl.) može biti i na drugom jeziku, ali u tom slučaju obvezno se prilaže i prijevod ovlaštenog sudskog tumača za jezik sa kojeg je prijevod izvršen

Ponuđač ProComp d.o.o. Zenica je za ponuđenu robu: MONITOR TIP 1 i MCF A4 Printer/Skener/kopir/fax uređaj TIP 1 dokaz o podržanosti-stranica tehničke dokumentacije, dostavio na engleskom jeziku bez prijevoda ovlaštenog sudskog tumača, kako je propisano tačkom 13. Tenderske dokumentacije.

U skladu sa članom 2. stav (1) tačka l) Zakona o javnim nabavkama je propisano da je ponuda:

-nepravilna – koja nije u skladu s tenderskom dokumentacijom ili je primljena izvan roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Članom 57. stav (1) ZJN je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Članom 68. stav (4) tačkom i) je propisano da je ugovorni organ dužan odbaciti ponudu koja nije potpuna i ne ispunjava zahtjeve iz tenderske dokumentacije.

Prema citiranim odredbama, da bi se ponuda smatrala prihvatljivom, mora da zadovolji sve uslove i zahtjeve iz tenderske dokumentacije, a to znači i da su dostavljeni svi dokazi/dokumenti koje je ugovorni organ tražio tenderskom dokumentacijom, i da su isti kompletni.

Imajući u vidu sve navedeno, a u skladu sa članom 2. stav (1) tačka l) ponuda ponuđača ProComp d.o.o. Zenica za LOT 1 – Kompjuterska oprema i licence se odbacuje kao nepravilna.

U Otvorenom postupku javne nabavke kompjuterske opreme, tačkom 8. Tenderske dokumentacije broj: 06-45-3329-3/24 od 29.02.2024.godine je bilo predviđeno provođenje e-Aukcije. Obzirom da ima samo jedna prihvatljiva ponuda za LOT 1 – Kompjuterska oprema i licence, e-Aukcija se ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama („Službeni glasnik BiH”, broj: 39/14 i 59/22) i članom 4. stav (2) Pravilnika o uslovima i načinu korištenja E-aukcije („Službeni glasnik BiH”, broj 80/23).


Na osnovu navedenog, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba, u rokovima propisanim članom 101. Zakona o javnim nabavkama ("Službeni glasnik BiH", broj: 39/14 i 59/22).

DOSTAVLJENO:

- 1x Ponuđači
- 1x Služba za javne nabavke
- 1x a/a



DIREKTOR

Omer Škaljo, prof.